

Allannguutissatut siunnersuut

Uunga

**Siunnersuut uunga: Inatsisartut inatsisaat nr. x xXx 2015-meersoq Inatsisartut inatsisaannik Kalaallit Nunaanni Naatsorsueqqissaartarfik pillugu allannguut**  
(Paasissutissanik ingerlatitseqqinneq)

Pingajussaaneerneqarnissaanut Naalakkersuisunit saqqummiussaq

**Inatsisissatut siunnersuutip qulequtaa**

**1. Inatsisissatut siunnersuummut qulequtaritinneqartooq imatut allaatigineqarpoq:**

”(Paasissutissanik ingerlatitseqqinneq, siulersuisut ajunngitsorsiassaat)”.

**§ 1-imut**

**2.** § 1-imi nutaatut nr. 01 ilanngunneqassaaq:

”**01.** § 5, immikkoortoq 4 naapertorlugu nutaatut immikkoortoq 5 ilanngunneqassaaq:

”Immikkoortoq 5. Naalakkersuisut pisussaatinneqarput ukiumoortumik siulersuisut siulittaasuannut ajunngitsorsiassaqartitsissallutik, Namminersorlutik Oqartussat tamakkiisumik ilaannakortumilluunniit suliffeqarfinni piginneqataaffigisaanni, siulersuisut siulittaasuisa ajunngitsorsiassaasa piffissami minnerpaaffiisa affaanik nalilimmik”

Siunnersuummut erseqqissaatit

**Erseqqissaatit nalignnaasut**

Siulersuisut ilisaritinneqarput 1999-mi Kalaallit Nunaanni Naatsorsueqqissaartarfik pillugu inatsimmi.

Kalaallit Nunaanni Naatsorsueqqissaartarfik pillugu inatsimmut erseqqissaatit naapertorlugit, taamanikkut kissaatigineqarsimavoq, "siulersuisuni ilaasortat ajunngitsorsiassaqaqarnermut inatsit naapertorlugu akissarsitinneqartassasut, kisiannili siulersuisut ajunngitsorsiassaannik agguaassinissaq eqqarsaatigineqarsimanani". Erseqqissaat ilanngunneqarpoq pisortani atorfillit imaluunniit kattuffimmi sulisut kisimik siulersuisuni ilaasimammata. Taamatuttaarlu qitiusumik allaffeqarfinni/Sulisitsisuni/KANUKOKA-mi/Pinnngortitaleriffimmi/kommunini ilaasortaqaarsimavoq atorfimminut atatillugu piumasarineqartut akissaatersorneqarsimasunik.

Kalaallit Nunaanni Naatsorsueqqissaartarfiup siulersuisuini siulittaasoq, pisortani atorfinitsitaanngitsoq ukiumut 25.000 kr.-nik § 18, immikkoortoq 2 inatsisartut inatsisaat nr. 22 decembarip 18-ani 2003-meersoq Inatsisartunut kiisalu Naalakkersuisunut ilaasortanut allallu naapertorlugu, kingorna allannguuteqartumik, siulersuisuni suliaqarnerminut atatillugu ajunngitsorsiassaqaartinneqartarpoq. Ajunngitsorsiassaqaq tunngavilersorneqarpoq Kalaallit Nunaanni Naatsorsueqqissaartarfiup siulersuisuini siulittaasutut suliaasanut annertuunut naatsorsuutigineqartumik, ataatsimiinnernut taakkulu piareersarnerinut peqataanernut, angalanernut kiisalu Kalaallit Nunaanni Naatsorsueqqissaartarfiup saqqummersitsinissaanut atatillugu annertuumik nakkutiginninnermut.

Ukiumut 25.000 kr.-nik ajunngitsorsiassaqaarneq nalilerneqarpoq, siulersuisuni siulittaasutut atorfimmuut atatillugu sulianut naammassinnissinnaanissamut matussusiisinnaajunnaartut. Suliakkiissutigineqartartut naleqqersuunneqarsinnaapput suliffeqarfiup minnerumaartumi siulersuisuini siulittaasutut suliakkiissutigineqartartut, naak atorfimmuut atatillugu siulersuisuni akisussaaffiit assigiinngikkaluartut.

Taamaattumik siunnersuutigineqarpoq Naalakkersuisut pisussaaffilerneqassasut ajunngitsorsianik aaliangersaasiornissaat, Namminersorlutik Oqartussat piginneqataaffigisaanni siulersuisut siulittaasuattut ajunngitsorsiarisartagaasa annerpaamik ajunngitsorsiassat minnerpaaffilerneqarsimasut affaannik. Taamaasilluni Kalaallit Nunaanni Naatsorsueqqissaartarfiup siulersuisuini siulittaasutut akisussaaffiit ajunngitsorsiassanut naleqqersorneqarsinnaammata kiisalu siulittaasoq Kalaallit Nunaanni Naatsorsueqqissaartarfiup aningaasatigut inissisimanagera pillugu akisussaaffilerneqarsimannginnera isiginiarneqassasoq. Taamaattumik 75.000 kr.-nik annertussusilerneqarnissaa ullumikkut naatsorsuutigineqarpoq, kiisalu apequtaassalluni Namminersorlutik Oqartussat suliffeqarfinnik piginneqataanermigut ajunngitsorsioriaasaat naapertorlugu.

Siulersuisut siulittaasuinut ajunngitsorsiassaqaqtitsisoqannqilaq pisortani imaluunniit kattuffinni, ilaatigut assersuutigalugu qitiusumik allattoqarfimmi, KANUKOKA-mi, kommunini, Sulisitsisuni imaluunniit Pinngortitaleriffimmi atorfinitsinneqarnermut atatillugu akissaatersuligaanermi.

Kalaallit Nunaanni Naatsorsueqqissaartarfiup ajunngitsorsiassap qaffanneqarneranut aningaasartuutaasoq nammineerluni sinaakkusersorneqarneratut isumagissavaa.